



LAPORAN LIPUTAN MEDIA HARIAN  
JUMAAT 8 MAC 2024

BIL	TAJUK KERATAN AKHBAR	KEMENTERIAN / JABATAN / AGENSI
1.	13,000 ANAK PENYU TELAH DILEPAS PUSAT PENETASAN PENYU GLORY, NEGARA, KOSMO -6	LAIN-LAIN
2.	MANIPULASI HARGA BERAS, RM1 BILION DUIT RAKYAT DIROMPAK, DALAM NEGERI, UM -6	

UKK KPKM

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN KPKM, JABATAN DAN AGENSI SAHAJA)

# 13,000 anak penyu telah dilepas Pusat Penetasan Penyu Glory



**NICOLE (duduk, kiri) ketika menyempurnakan pelepasan penyu sempena Majlis Pelancaran Kelab Pusat Penetasan Penyu Glory dan Pelepasan Penyu di Port Dickson semalam.**

**PORT DICKSON** – Sebanyak 13,000 anak penyu berjaya dilepaskan di Pusat Penetasan Penyu Glory, di sini sejak pusat itu diwujudkan 13 tahun lalu.

Renjer penyu yang juga mengetuai Kelab Pusat Penetasan Penyu Glory, Hishamudin Abdul Manaf berkata, bagaimanapun daripada jumlah tersebut kebiasaannya hanya satu daripada 1,000 penyu yang dilepaskan berjaya hidup memandangkan risiko kematian bagi anak penyu ini agak tinggi.

Menurut beliau, semasa di laut pula, penyu berkenaan berisiko untuk mati disebabkan

pencemaran plastik yang dibuat manusia kerana menyangkakan plastik tersebut merupakan makanan mereka iaitu obor-obor dan terdapat insiden seumpama itu di negeri ini.

"Tugas saya adalah memantau penyu mendarat dan memastikan kawasan penyu naik untuk bertelur tiada gangguan manusia ataupun menyelamatkan telur berkenaan daripada ancaman binatang lain seperti anjing dan biawak.

"Kebiasaannya sekitar 800 ke 1,500 biji telur setahun penyu bertelur di pantai di sini dari April hingga Disember. Pantai-

pantai di sini yang kebiasaannya menjadi tempat penyu bertelur adalah di Glory, Tanjung Gemuk, Pantai Pejabat Daerah dan Bagan Pinang," katanya sempena Majlis Pelancaran Kelab Pusat Penetasan Penyu Glory dan Pelepasan Penyu, di sini semalam.

Sempena program berkenaan, Pengerusi Jawatankuasa Bertindak Pelancongan, Kesenian dan Kebudayaan negeri, Nicole Tan Lee Koon menyempurnakan simbolik pelepasan empat ekor penyu di mana dua ekor daripadanya merupakan penyu yang diselamatkan selepas tersangkut di jaring nelayan.

8/3/2024

UTUSAN  
MALAYSIADALAM  
NEGERI

6

# Manipulasi harga beras, RM1 bilion duit rakyat dirompak

Oleh AHMAD  
FADHULLAH ADNAN  
futannews@mediamulla.com.my

**KUALA LUMPUR:** Sejumlah RM1.008 billion didakwa dirompak daripada poket rakyat sebanyak 720,000 tan metrik (80 peratus) daripada beras putih tempatan dijual secara manipulasi dengan harga beras putih import dalam tempoh enam bulan, sejak September lepas.

Datuk Seri Syed Abu Husin Hafiz Syed Abdul Fasal (PN-Bukit Gantang) berkata, anggaran itu mengambil kira harga tambahan lebih daripada sepatutnya sekurang-kurangnya RM14 sekampit akibat manipulasi kartel.

“Setiap sehari kerajaan menanggungkan keputusan untuk

menetapkan harga siling beras putih, bermakna sebanyak RM7 juta duit rakyat telah dirompak. Siapa yang akan bertanggungjawab atas kesengsaraan rakyat ini?

“Walaupun Bahagian Kawalselia Padi dan Beras mengeluarkan kenyataan pada 7 September 2023 bahawa tidak berlaku penukaran kempit (melalui) OP Jamin, mengapa beras putih tempatan masih tidak ada di pasaran seperti mana runtu-tan peruncit, pengguna dan ahli-ahli yang berhormat di Dewan Kasih Usul Menjunjung Kasih Titah Diraja di Dewan Rakyat, semalam.

Dalam pada itu, beliau yang juga Pengerusi Pasukan Petugas Khas (Kluster Makanan) Majlis

Tindakan Sara Hidup (Naccol) mendakwa, Bahagian Kawal Selia Padi seolah-olah membenarkan pemain industri iaitu kartel mengaut keuntungan berlebihan susulan kenaikan harga beras dunia.

Dakwanya, pemain industri mengampit beras putih tempatan sebagai beras putih import dan menjual pada beras putih import berikutan mempunyai peluang untuk mengaut keuntungan lebih.

“Keadaan ini menyebabkan pengilang atau kartel membeli padi pada harga tinggi daripada pesawah dengan harapan menjual harga lebih tinggi juga sebagai beras import. Ekosistem yang berlaku ini menyebabkan pemberian harga padi dan harga beras tidak stabil,” katanya.



**SYED Abu Husin Hafiz Syed Abdul Fasal semasa membahaskan Usul Menjunjung Kasih Titah Diraja di Dewan Rakyat, semalam. - JABATAN PENERANGAN MALAYSIA**